

Bosna i Hercegovina

BRČKO DISTRIKT

Bosne i Hercegovine

VLADA BRČKO DISTRIKTA

Odjeljenje/Odjel za raseljena lica/osobe,
izbjeglice i stambena pitanja



Босна и Херцеговина

БРЧКО ДИСТРИКТ

Босне и Херцеговине

ВЛАДА БРЧКО ДИСТРИКТА

Одјељење за расељена лица,
избјеглице и стамбена питања

Ислахијет бр. 7. 76100 Брчко дистрикт БиХ, Телефон: 049/218-696. Факс: 049/218-696.

www.bdccentral.net
oziri@bdccentral.net

Ислахијет бр. 7. 76100 Брчко дистрикт БиХ, Телефон: 049/218-696. Факс: 049/218-696.

Broj predmeta: 35-000537/19

Broj akta: 11-0268PV-001/19

Datum, 12.9.2019. godine

Mjesto, Brčko

Na osnovu člana 20. Zakona o izvršenju Budžeta Brčko distrikta BiH za 2019. godinu („Službeni glasnik Brčko distrikta BiH“, broj: 9/19 i 16/19) i člana 5. Odluke o kriterijima za realizaciju programa stambenog zbrinjavanja, sanacije/rekonstrukcije, ratom oštećenih neuslovnih/porušenih stambenih jedinica na području Brčko distrikta Bosne i Hercegovine, broj: 02-000184/19 od 9. 9. 2019. godine, Odjeljenje za raseljena lica, izbjeglice i stambena pitanja Vlade Brčko distrikta BiH o b j a v l j u j e

JAVNI POZIV

za podnošenje prijava za stambeno zbrinjavanje, sanaciju/rekonstrukciju, ratom oštećenih neuslovnih/porušenih stambenih jedinica na području Brčko distrikta Bosne i Hercegovine

Pomoć u stambenom zbrinjavanju, sanaciji/rekonstrukciji, ratom oštećenih neuslovnih/porušenih stambenih jedinica za stanovnike Brčko distrikta Bosne i Hercegovine, čiji stambeni objekti, usljed oštećenja u ratu, ne zadovoljavaju minimalne stambene uslove, realizovat će se u okviru osiguranih sredstava u Budžetu Brčko distrikta BiH za 2019. godinu u iznosu od **500.000,00 KM**, isplatom novčanih sredstava u maksimalnom iznosu do **27.000,00 KM**.

Visina novčanih sredstava bit će utvrđena na osnovu predmjera i predračuna građevinskog materijala za obnovu stambenog objekta, a uz primjenu trenutnih prosječnih tržišnih jediničnih cijena građevinskog materijala.

Korisnici pomoći

Sredstva se dodjeljuju stanovnicima Brčko distrikta Bosne i Hercegovine čiji stambeni objekti, usljed oštećenja u ratu, ne zadovoljavaju minimalne stambene uslove, u skladu sa Standardima za obnovu i izgradnju stambenih jedinica i objekata u svrhu zbrinjavanja povratnika („Službeni glasnik BiH“, broj 74/12).

Opći kriteriji i dokazi o ispunjavanju općih kriterija

Opći kriteriji su eliminatorni i obavezujući za sve korisnike pomoći.

1. Pravo učestvovanja na javnom pozivu imaju stanovnici Brčko distrikta Bosne i Hercegovine čiji stambeni objekti, usljed oštećenja u ratu, ne zadovoljavaju minimalne stambene uslove i koji ispunjavaju sljedeće opće kriterije:

- a) da su stanovnici Brčko distrikta BiH;
- b) da imaju u vlasništvu/posjedu stambenu jedinicu koja, usljed oštećenja u ratu, ne zadovoljava minimalne stambene uslove u skladu s utvrđenim standardima;

- c) da je stambena jedinica za koju traži pomoć postojala prije 1. 5. 1992. godine;
- d) da podnositelj zahtjeva ili član njegovog porodičnog domaćinstva nisu bili korisnici sredstava za stambenu izgradnju ili sanaciju stambene jedinice;
- e) da podnositelj zahtjeva ili član njegovog porodičnog domaćinstva nemaju na teritoriji BiH drugu stambenu jedinicu koja se smatra uslovnom za stanovanje u skladu s utvrđenim Standardima.

2. Dokazi o ispunjavanju općih kriterija koje podnositelj zahtjeva mora dostaviti su:

- a) zk. izvadak, posjedovni list ili pravosnažnu sudsku presudu ili pravosnažno rješenje nadležnog organa na osnovu kojeg je korisnik stekao pravo vlasništva/posjeda ili građenja;
- b) ovjerena izjava podnosioca prijave na javni poziv da je stambeni objekat oštećen u ratu i potvrda mjesne zajednice kojom se potvrđuje da je stambeni objekat oštećen u ratu;
- c) bilo koji dokaz iz kojeg Komisija može utvrditi postojanje stambene jedinice prije 1. 5. 1992. godine;
- d) ovjerena izjava podnosioca zahtjeva da nije bio korisnik donacije ili drugih sredstava;
- e) ovjerena izjava podnosioca zahtjeva da on i članovi porodičnog domaćinstva nemaju na teritoriji BiH drugu stambenu jedinicu koja se smatra uslovnom za stanovanje u skladu s utvrđenim standardima.

3. Komisija za odabir korisnika i dodjelu novčanih sredstava po službenoj dužnosti, pribavlja uvjerenje o prijavi prebivališta kao dokaz da je podnositelj zahtjeva stanovnik Brčko distrikta BiH.

Posebni kriteriji i dokazi o ispunjavanju posebnih kriterija:

(1) Posebni kriteriji su:

- a) broj i starosna dob članova porodičnog domaćinstva;
- b) korisnici prava na stalnu novčanu pomoć;
- c) osobe sa invaliditetom;
- d) samohrani roditelji/staratelji.

(2) **Dokazi o ispunjavanju posebnih kriterija koje podnositelj zahtjeva mora dostaviti su:**

- a) ovjerena izjava o kućnoj listi;
- b) rješenje Pododjeljenja za socijalnu zaštitu o utvrđenom pravu na stalnu novčanu pomoć;
- c) nalaz i mišljenje o utvrđenom procentu tjelesnog oštećenja organizma koje izdaje Institut za medicinsko vještačenje u Sarajevu, Mostaru, Tuzli, Zenici i Bihaću u sastavu Federacije i Komisija pri Fondu PIO RS sa sjedištem u Banjoj Luci i Bijeljini;
- d) rješenje Pododjeljenja za socijalnu zaštitu o utvrđenom pravu na dječiji dodatak po osnovu samohranosti roditelja.

Podnošenje prijave i dokumenata

Prijava se skupa sa dokazima o ispunjavanju kriterija iz javnog poziva dostavlja Odjeljenju za raseljena lica, izbjeglice i stambena pitanja putem protokola Vlade Brčko distrikta BiH radnim danom od 07.30 do 15.00 sati ili poštom na adresu: Vlada Brčko distrikta BiH, ul. Bulevar mira broj 1, poštanski broj: 76100, Brčko distrikt BiH, sa naznakom: „**ZA JAVNI POZIV U OKVIRU PROJEKTA ZA STAMBENO ZBRINJAVANJE, SANACIJU/REKONSTRUKCIJU, RATOM OŠTEĆENIH**

NEUSLOVNIH/PORUŠENIH STAMBENIH JEDINICA NA PODRUČJU BRČKO DISTRIKTA BiH – NE OTVARAJ“.

Obrazac prijave/izjave se može preuzeti na infopultu u zgradi Vlade Brčko distrikta BiH – Bulevar mira br. 1, kao i na internet stranici www.vlada.bdcentral.net.

Javni poziv je otvoren **od 16. 9. 2019. do 1. 10. 2019. godine** i bit će objavljen na oglasnoj ploči Vlade Brčko distrikta BiH i Odjeljenja za raseljena lica, izbjeglice i stambena pitanja, te web stranici www.vlada.bdcentral.net.

Prijave podnesene mimo utvrđenog roka neće biti razmatrane.

DOSTAVITI:

1. Za oglasnu ploču Vlade
2. Za oglasnu ploču Odjeljenja za raseljena lica, izbjeglice i stambena pitanja
3. Za web portal
4. Evidenciji
5. Arhivi.

Šef Odjeljenja
po Ovlaštenju broj: 05-000061/19 od 9. 9. 2019. god.
Biljana Obrenović, dipl. pravnica